

.xlii. ITEM ALIA . IN EODEM DIE .

GLoriari nos oportet

semper fratres karissimi et gaudere . quia dominus ac redemptor noster post redemptionem humani generis et diaboli triumphum . Hodie cum magna uictoria ad celos ascendisse legimus . et ad patris dexteram in magna letitia . cum substantia carnis qua nos redimere dignatus est sedisse . Credimus etiam inde illum uenire in gloria maiestatis sue cum angelis et archangelis . iudicare omnes homines . iustos et peccatores . et tunc reddet unicuique secundum opera sua . Illud quoque scire et intelligere debemus . quod ante passionem domini omnes sanctorum anime /96r/ in inferno sub debito preuaricationis adam tenebantur . donec auctoritate domini per indebitam eius mortem . de seruili conditione et diaboli captiuitate liberarentur . Post ascensionem uero domini ad celos omnes sanctorum anime cum christo¹ sunt . et exeuntes de corpore ad christum uadunt . expectantes resurrectionem sui corporis . ut ad integram beatitudinem et perpetuam felicitatem . cum ipso pariter immutentur . Sicut et peccatorum anime in inferno sub timore positae expectant resurrectionem sui corporis ut cum ipso pariter ad penam conuertantur aeternam . Caueamus igitur fideles christi . ne sine excussatione pro nostris neglegentiis ante tribunal domini trepidi ueniamus . quando ceperit exquirere . quid ei reportemus pro omnibus que pro nobis passus est . Consideremus ergo quod petrus apostolus dicit . Karissimi . Christus passus est . pro nobis . uobis relinquens exemplum . ut sequamini uestigia eius . Qui peccatum non fecit nec inuentus est dolus more eius . Qui cum malediceretur . non maledicebat . Cum pateretur . non comminabatur . Sed

¹ no suspension mark and preceded by curve like lower portion of a c or t – otiose or evidence of erasure?

tradebat se mitissime . iudicanti se iniuste . Considera²
te ergo quod sequitur . ut sequamini uestigia eius . Exem-
plum enim tribulationum reliquit nobis . non diliciarum .
contumeliarum non pomparum . Flagellorum . dolorum . oppro-
briorum . et spinarum crucis . uulnerumque mortis . Pensemus
ergo karissimi . quanta propter peccata nostra sustinere debemus .
si dei filius qui sine peccato est . tanta pro nobis cruciamenta
pertulit . Non reddamus ergo ei mala pro nobis sed in quantum
possumus uoluntati ipsius semper obtemperare stude-
amus . Offeramus ei cotidie sancta munera . fidem rectam .
humilitatem . benignitatem . mentes humiles . et lauda-
/96v/ -biles mores . supra haec autem . caritatem perfectam . His igitur mune-
ribus cum ipso ascendere hodie studeamus in gloria . quia hæc solem-
nitas ascensionis domini . Hodie per totum mundum manifeste
celebratur . In qua multa mirabilia facta sunt . Apostoli enim
aspicientes iesum euntem in cælum . Longissimam scalam uiderunt .
inter cælum et terram . et angelos super eam ascendentes et descendentes
in uestibus albis atque dicentes . Uiri galilei quid admiramini?
hic iesus qui assumptus est a uobis in cælum . Ita ueniet ut uidistis
eum . euntem in cælum . Sed ite ad Hierusalem et ibi manete do-
nec ueniat uobis spiritus paraclitus ab omni potenti deo . qui uos doce-
bit omnia quæ uobis promissa sunt a domino iesu christo . Et iterum .
Uiderunt filium dei ante sublime altare in alta cælorum stantem .
et patrem suum laudantem . ac alleluia dulcissime canentem et mul-
titudinem angelorum canenti respondentem amen . Et iterum . Viderunt
animas peccatorum in poenis . miserabiliter a daemonibus alliga-
tas . Hæc autem omnia ideo illis ostensa sunt ad nos premonendum .
ut semper desideremus caelestia . et caueamus hæc loca imfer-
nalia ne intremus in illa . In quibus est cotidie dolor sempiternus .
tristitia sine lætitia . Abundantia lacrimarum sine consolati

² descender on r and cc a.

one in quibus cotidie cruciantur peccatores . Alii enim pendunt ibi ex pedibus . alii ex manibus . alii ex uesticibus . alius ad genua . alius ad umbilicum . aliusque ad labia . alii usque ad capillos capitum eorum . Nos igitur cogitemus quę recta sunt . quibus placatur deus et eadem faciamus . preparemus corda nostra . uacuemur uitiis . Repleamur uirtutibus . cum omni alacritate semper desideremus caeleste appetere regnum . ubi summus rex ac summi milites semper habitant . Vbi premium perpetuum . Vbi manna cęleste . Uita . sine morte . Iuuentus /97r/ sine senectute . Lux sine tenebris . Gaudium sine tristitia . Pax sine discordia . securitas semper uiuendi sine timore mortis . Ubi paucuntur sancti propter eorum labores quibus placuerunt deo . Vbi est beatitudo angelica . et felicitas perpetua . Ubi nec ira nec indignatio . neque tenebrę nec ulla mala sunt . sed lux lucida et securitas sempiterna . et regnum sine ammutatione . Oportet nos ergo fratres karissimi . istum contemnere mundum . ut possimus sequi christum salutorem nostrum . Caueamus ne perdamus uitam perpetuam propter uanam huius mundi gloriam . sed semper laudemus dominum super cheruphin sedentem . cęlum et terram regentem . Quem laudant angeli et archangeli . quem uenerantur prophete et apostolici . quem semper desiderant turbę uirginum uidere . quam ipse est plenitudo et perfectio omnium sanctorum . de cuius aspectu semper letantur in cęlo . Cum quibus ad supernam cęlestem patriam . nos perducere dignetur saluator mundi . qui cum patre et spiritu sancto uiuit et regnat in secula seculorum . amen .